



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Christ. Francisci Paullini, Ferrariâ-Thuringi, Rerum Et  
Antiquitatum Germanicarum Syntagma**

**Paullini, Christian Franz**

**Francofvrti ad Moenvm, 1698**

XIX. Richartus

**urn:nbn:de:hbz:466:1-44860**

multa passus est pericula. Post redditum Boslebiæ, in honorem S. Bonifacii, novum Canonicorum Collegium construxit, & de suis decimis dotavit. Moritur peste AD. M XXXVI. vel sequente.

## XVIII. POPO.

Natione Buchonius, Professus Laurissensis Monasterii, salutaris Reformer, & mandato Henrici Regis, cuius beneficio Abbas factus fuerat. Novos enim & bonos Monachos è suo Monasterio adduxit. Ex liberalitate Kunegundis, seu potius propter interventum ejus, multa bona dantur Ecclesiæ Fuldensi à Rege Henrico. Turpis confusio scribentium & narrantium. Alii Poponis successorem faciunt Wollmarum, alii Barthonenem, alii post Brantho ponunt Poponem, huic substituunt Wollmarum, & huic Barthonenem, huic verò Richartum. Nos Poponis substituimus

## XIX. RICHART.

XIX. Richart.

Qui Venerabilis & laudabilis Pater non satis laudari potest. Dicitur fuisse ex familia Grappelt, uti Popo. (r) Ejus tempore Benedictus Papa & Imperator Henricus fuere Fulda, eiisque benefecere multum, partim privilegia, partim bona dando & innovando. (s) Ecclesiam S. Andree in novo monte construxit, uti Amersbachii, seu Amorbachii in Francia Monasterium. Fuit in Synodo Seligenstadiensi A.D. M XXXII. Sub eo Scotti Monachi Fuldense cœnobium intrant, idque in omnibus bene reformatum, juxta regulam S. P. N. Bened. Mandavit Monachis suis, ut facta Clarorum Virorum fideliter describerent, & Manuscripta bibliothecæ inferrent. Moritur AD. M XXXIX.

## XX. SIGHARTUS.

XX. Sigbart.

Et hic bene præsul. Scribunt factum fuisse Episcopum Hildesheimensem, alii autem dubitant, & addunt, vocatum quidem fuisse, sed non admissum. Moritur AD. M XLII. Prælatus IV. in bello Bohemico, in quo Vexillifer Regius erat.

## XXI. ROHINGUS.

XXI. Rohingus.

Varia, multa & pretiosa ornamenta Ecclesiæ comparavit, in primis magnam, & multi valoris tabulam, piis imaginib; plenam, margaritis & gemmis undique coruscantem, quam successor ejus demum perfecit. Moritur in itinere Romano, immo in turbe Roma AD. M LXI. in comitatu Regis Henrici II. ubi à Clemente II. Abbas consecratus ipso natali Dominico.

## XXII. EC-

(r) de Popone certum est, de Richarto autem dubito. (s) Fabricius L.c. p. 95. hoc ad Eusebium refert, sed vid. Brovver. L.IV. A.F. p. 90.